



SIARAN AKHBAR

BILIF OPEN DAY 2024

Selasa, 4 Rejab 1445H bersamaan dengan 16 Januari 2024M

1. Brunei Institute of Leadership & Islamic Finance (BILIF) telah menganjurkan BILIF Open Day 2024 pada hari Selasa, 4 Rejab 1445H bersamaan dengan 16 Januari 2024M di Bangunan ILIA, Universiti Brunei Darussalam (UBD).
2. Acara ini telah dihadiri oleh lebih 150 peserta dari organisasi-organisasi dari sektor awam dan swasta termasuk Kementerian Hal Ehwal Ugama, Brunei Darussalam Central Bank (BDCB), Bank Islam Brunei Darussalam (BIBD) dan lain-lain.
3. BILIF Open Day 2024, yang bertemakan "*Navigating Tomorrow's Success*", telah menampilkan pakar-pakar serta pengamal-pengamal industri tempatan dan antarabangsa yang membincangkan idea dan topik-topik penting bagi mencapai kejayaan, antaranya seperti perkembangan peribadi, kepimpinan dan budaya organisasi.
4. Acara telah dimulakan dengan ucapan alu-aluan daripada Awang Haji Afero Eswandy bin Haji Mohammad, Timbalan Ketua Pegawai Eksekutif, BILIF. Beliau antaranya mengetengahkan pentingnya acara ini untuk memberi inspirasi serta galakan kepada para peserta bagi mencapai kejayaan dalam kerjaya dan bidang masing-masing. Beliau juga mengalu-alukan peserta yang berminat untuk mendapatkan penerangan lebih lanjut berkaitan dengan program, acara dan pensijilan yang ditawarkan oleh BILIF sepanjang tahun 2024 pada acara tersebut.
5. Acara diikuti dengan ucap tama bertajuk "*From Vision to Victory: Charting Your Course to Success*" yang disampaikan oleh Dayang Hajah Sufinah binti Haji Sahat, Ketua Pegawai Eksekutif, BILIF. Beliau menyentuh mengenai kepentingan usaha, masa, dan dedikasi setiap individu untuk mencapai kejayaan. Hajah Sufinah turut menitikberatkan pentingnya menimba pengetahuan, sentiasa menyesuaikan diri dengan perubahan, berani untuk membuat kesilapan dan seterusnya belajar daripadanya sebagai elemen-elemen penting untuk mencapai dan mengekalkan kejayaan.
6. BILIF Open Day 2024 ini juga turut menyaksikan majlis penganugerahan sijil Professional Diploma in Islamic Finance and Economics di mana seramai enam orang peserta telah diraikan kerana telah berjaya menamatkan program Leadership in Islamic Finance and Economics (LIFE) Common Core. Program LIFE Common Core telah mendapat pengiktirafan dan penetapan pada Tahap 4 menurut United Kingdom (UK) Regulated Qualification

Framework oleh The London Institute of Banking and Finance. Salah satu program khas BILIF yang juga mendapat pengiktirafan dan penetapan pada Tahap 7 ialah Fiqh Mu'amalat Practitioners Programme (FMPP). Pengiktirafan ini menggariskan komitmen BILIF dalam memastikan bahawa program-program BILIF diiktiraf di peringkat antarabangsa dengan standard yang tinggi, terutamanya dalam bidang kewangan Islam.

7. Segmen pertama bagi acara tersebut dimulakan dengan sebuah perbincangan pleneri bertajuk "*Navigating Tomorrow's Success*" yang dikendalikan Dayang Ida Nazrena binti Haji Bujang, Pemangku Pengurus Kanan, *Learning & Development Department*, BILIF, selaku moderator. Ahli-ahli panel terdiri daripada Pengiran Aki Ismasufian bin Pengiran Haji Ibrahim, Ketua Pegawai Eksekutif, Standard Chartered Bank (SCB) Brunei; Jacqueline Choy, *Associate Facilitator*, Workplace Asia dan Society for Human Resource Management (SHRM) *Associate Trainer*, SHRM, Asia Tenggara; Yusry Yusoff, Ketua Pegawai Eksekutif, Islamic Banking & Finance Institute Malaysia (IBFIM); dan Dr. Wendy Lee, Pengasas, Chapter One Asia.
8. BILIF juga mengadakan beberapa sesi perkongsian di sebelah petang, diantaranya "*Achieving High Performance Organisational Culture*" oleh Tham Chien Peng, SHRM; "*Dress to Impress: Nailing The First Impression*" oleh Dr. Wendy Lee, Chapter One Asia International; "*Tools for Success: Building Confidence, Communication & Time Management*" oleh Julius Hong Yan Cin, Dk Aniqah Syairah binti Pengiran Ruslan dan Dk Ayumi Qistina binti Pg Mohd Yusof, BILIF; dan "*Emotional Intelligence for Leaders*" oleh Chong Wan Ching, VIVA.
9. Klinik kerjaya yang dikendalikan oleh wakil-wakil dari BILIF, SHRM dan ICA juga diadakan yang bertujuan untuk menawarkan bimbingan dan sumber yang boleh membantu dalam membangunkan kemahiran dan kecekapan yang diperlukan di bidang masing-masing.
10. BILIF turut menganjurkan pameran yang disertai oleh BDCB, BILIF dan rakan-rakan strategik BILIF di dalam dan di luar negara seperti Majlis Perancangan Tenaga Manusia dan Pekerjaan (MPEC), Pusat Pembelajaran Sepanjang Hayat (L3C), International Compliance Association (ICA), SHRM, dan lain-lain. Pameran tersebut mempamerkan pelbagai peluang pembelajaran dan maklumat yang bermanfaat khususnya dalam perkembangan kerjaya dan peribadi para pengunjung. Dalam masa yang sama, BILIF juga telah mengadakan inisiatif tanggungjawab sosial korporat (CSR) pada acara tersebut dengan menyediakan beberapa ruang pameran dan jualan secara percuma khusus bagi usahawan-usahawan yang berdaftar di bawah Program Pengupayaan Asnaf Zakat (PROP AZ), Konsortium Muallafpreneurs, dan BIBD Special Entrepreneurial Empowerment and Development Scheme (BIBD SEED).
11. BILIF, sebagai sebuah pusat kecemerlangan bagi industri kewangan di negara ini, sentiasa giat menjalankan misinya untuk membentuk pemimpin, pakar dan pemacu inovasi masa depan terutama dalam bidang kewangan Islam dan kepimpinan melalui program dan acara bertaraf antarabangsa. Maklumat lanjut mengenai BILIF boleh didapati melalui laman web BILIF di www.bilif.com.bn atau akaun Instagram @BILIF.bn.